

LVCAE FVRNARIII
IVRECONSULTI

PATRICII.

& Oratoris Reipublicæ
Genuensis

ORATIO

Ad Gregorium. XIII.
Pont. Max.



BIBLIOTECA NAZIONALE
ROMA
VITTORIO EMANUELE

ROMÆ,

Apud Hæredes Antonij Bladij Impressores Camerales.

Anno. M. D. LXXII.



V M mecum ipse reputo, Beatissime Pater,
plurima grauissimaq; vulnera, quibus mi-
rum, & miserandum in modum complu-
res iam annos consauciata languet Respu-
blica Christiana: quorum partem magnam tam variæ
tamque multiplices hæreses imposuere, morsibus ac ve-
nenis suis dilaniato & infecto, necnon à suauibus Eccle-
siæ sanctæ pascuis abducto Domini grege: non mini-
mam verò partē Turcarum tyranni formidabiles opes,
feritas, & plusquàm barbara inflixit immanitas: hæc cū
ego cogitatione complector, facere non possum, quin
maxima commouear animi perturbatione. Cum rursus
mihi in mentem veniunt certissimæ constantissimæque
Saluatoris nostri promissiones, qui cum satis non habe-
ret pro miseris mortalibus vniuersis sanguinē suum pro-
fudisse, tam proluxè pollicitus est sæculis se cunctis no-
biscum perpetuò futurum, ex quo fieret, vt licet Petri
naucula vastis insurgentibus vndique fluctibus ac pro-
cellis, diu multumq; tempestate iactaretur, ipse tamen
illam ab omni naufragij periculo integram semper in-
uiolatamq; esset seruaturus: totus recreor, meque ipse
colligo, atque in Domino consolor. neq; enim mihi est
obscurum diuinam maiestatem miris quibusdam ratio-
nibus, quæ in hominum intelligentiam cadere non pos-
sunt, vi quadam prouidentię incomprehensa, ad bonos
& salutares exitus omnia maturè suoque tempore per-
ducere consueuisse. Quippe que nouit ex maximis ma-
lis maxima excerpere bona, quemadmodum vel magi-
stra

fracomplurium annorum experientianobis contigit
edoceri. Nam cui iam, obsecro dubium esse queat, nihil
esse tam detestandum, quàm tam multas hæreses, quæ
per tot annos teterrima ac pestilētissima in Domini gre
gem venena spargere passim non destiterunt? & tamen
Dei nostri prouidentia & consilio quis non videt esse fa
ctum, vt innumerabilia inde bona ad nos redirent?
Quorum non postremum illud esse mihi videtur, quòd
reiectis iamque obsoletis inutilibus illis rerum perplexa
rum quæstionibus, quæ magis erant ad ostentationem
doctrinæ, atq; ingenii, quàm ad diuinum cultum, verâq;
pietatem excogitata; Christianis hominibus occa
sio sit data in lectionis ac prædicationis euangelicæ stu
dia toto pectore incumbendi. Hanc etiam videre licet
extitisse causam, cur multi sanctissimè instituti cœtus ad
veteris ecclesiasticæ disciplinæ consuetudinē corruptos
iam ubique, ac deprauatos hominum mores, vitam que
studiosè reuocantes congregarentur, qui mundum in
numeris expurgarunt erroribus: eorumque loco bono
rum genus omne inuexerunt, in consuetudinem reuo
cata tam salutari sanctissimorum sacramentorum frequē
tatione: Christianęque fidei ac religionis fines in barba
ras nationes longè latequè protulerunt. At verò quis
adeo est immanis, qui mala tot ac tanta, tamque ingen
tes calamitates, quibus acceptis Italiæ decus & ornamē
tum Venetorū respublica proximè est afflicta, nobilissi
mo amplissimoque Regno amisso, tot ciuibus & socijs
iam miserè tamque crudeliter partim trucidatis, partim

in seruitutem quauis morte dur iorem abreptis atq; abstractis, non misericordia solum, & lacrymis, verum etiā acerbissimo luctu non censeat esse prosequendas? Et tamen eidem diuinæ prouidentix placuit sanctissimi Vicarij sui non re minus ipsa, quàm nomine Pij Quinti opera, studio, ac labore, ex tam immensa malorum mole, tam præclaram eruere occasionem, sanctum ac salutare foedus inter Christianos Principes sancienti: quod præter omnium mortalium spem & expectationem, felicissima statim sumeret auspicia ab omnium longè maxima clarissimaque victoria, quotquot omnibus ad hanc vsque diem sæculis aduersum Christiani nominis hostes potiri nobis contigerit. Idq; virtute in primis ductuque non minus strenui fortisque Ducis, quàm catholici ac prudentis viri serenissimi Ioannis Austrij, planè digni tali patre filij, id est summi ac clarissimi omnium Imperatoris. Atqui in medio rerum tam bene, tamque feliciter gestarum cursu, cum ad eum exitum quem tam læta pollicebantur auspicia non cunctanter contenderetur; ecce tibi Pium Quintum Pontificem Maximum ad veram vitam Deo vocare est visum: cuius tam alieno tempore nobis erepti mors, senio licet ac languore confecti, immatura tamen, ac luctuosa accidit vniuersæ Reipublicæ Christianæ. Neque id sanè iniuria, erat enim summus optimo cuique metus iniectus, ne huic ipsi inito foederi impedimentū forte aliquid opponeret, quod certa omnium spe, præceptos iam ex tanta victoria fructus vberrimos ad maturitatem peruenire nō pateretur. Sed
prouiden-

prouidentia bonitasque diuina quo & mature tantis malis, & rerum in primis ipsarum summæ consuli posset; huic nunquam satis pro dignitate laudato augustissimo amplissimorum Cardinalium Collegio eam mentem iniecit, ut tanta animorum conspiratione, atque consensu omni abiecta cunctatione Sanctitatem tuam summum Ecclesiæ Sanctæ Dei pastorem, verumque in terris Christi vicarium deligerent. Quippe cuius propensissimam esse voluntatem perspicerent, non ad susceptam modo aduersus Christiani nominis hostes expeditionem promouendam; verum etiam ad hæreses extirpandas, funditusque tollendas, adque heroicas virtutes omnes absolute præstandas; tanti que Pontificis persona dignas actiones magno animo suscipiendas, ac sustinendas. Ita quæ satis celeriter ipsa res docuit, quantum Christiana Respublica sit boni consequuta tantoque illi clariores illuxisse diuinæ prouidentię radios, ex hoc ipso apparuit, quanto in grauius & propinquius iam conspiciabatur res adducta discrimen. Quamobre optatissimus hic ipse de te creato Pontifice Maximo nuncius simul atque est assatus, tanta Ciuitatem nostram hilaritate, lætitiâque compleuit, (quemadmodum actis primum immortalibus immortalis Deo gratis, deinde omni gratulationis genere, publice priuatimque non obscure datis, exultantium per totam urbem animorum significationibus ostendit) qua nulla maior nec verbis explicari, nec cogitatione quidem queat comprehendere. Siquidem intelligunt ciues nostri verum se, & indulgentissimum

Patrem,

Patrem, vigilantissimumque Pastorem consequutos, nō
probitate modo, summa & integritate præditum, verū
etiam prudentia, iustitia, mansuetudine, plurimoq; re-
rum vsu vsque adeo præstantem, vt alterum Gregoriū
Sanctum Ecclesiæ & pastorem, & doctorem calitus
in terris demissum, cui parem nullum ne sperare quidē
liceat, aut etiam optare: quemadmodum nos nunc ipsi
iucundissimè cernimus, sic etiam absentes illi suis oculis
intueri videantur. Cuius ego admirabiles & heroicas
laudes æterno præconio dignas vt silentiō præterirem,
idcirco faciendum consultō putauī, quòd ad eas vix le-
uissime attingendas, nedum celebrandas, & illustrandas
longe imparem me esse facile intelligebam. Neque ta-
men si id præstare potuissem, per modestiam istam, que
innumerabilium virtutum tuarum nulli est inferior, San-
ctissime Pater, id mihi licere nunc arbitrabar. Quare in
tanta omnium lætitia Ciuitas nostra libentissime tota
ad sanctissimorum pedum tuorū oscula pro affectu con-
fluxisset, sed cum id fieri non posset, nobis hæ partes à
Senatu nostro sunt impostæ, vt suo Reiquè ipsius publi-
cæ nomine, tam optabili munere fungeremur; verè &
ex animo gratulantes, primum scilicet Sanctitati tuæ, &
in augusto hoc Sedis Apostolicæ folio diuinitus, Sāctiq;
Spiritus instinctu, & afflatu sit collocata: tum huic
amplissimo venerandoque Collegio, cuius id ipsum sa-
pientissimo consilio, tanta celeritate, tantoque consen-
su est effectum: (vniuersę deniq; Reipublicę Christianæ,
que tantum boni, tamque præsens ad omnia sanāda ma-
la

la remedium sit adepta. Illud præterea nobis mādauit)
vt in verum ac certum inuiolatę, constantisq; fidei suę,
perpetuęq; aduersus Apostolicam Sedem obseruantię
testimonium, Sanctitati tuę tanquām legitimo Sanctę
Ecclesię Pastori, Christi q, Vicario, perpetuā debitamq;
obedientiam, tum officia studiaq; omnia, (quemad-
modū facimus) vltro deferamus ac spondeamus: haud
sanē dubia spe futurum, vt Sanctitas vicissim tua (quod
vt facere dignetur suppliciter ac demissē flagitamus)
Remp. nostram verē Christianam paterna caritate con-
plectendo, patrocínio suo præsidioquē tueatur, & bene-
ficiorum gratiarumq; concessione cohonestet. Que,
vt non opes modo copiasq; suas, verum etiam sangui-
nem ipsum quotiescunque res poposcit, profundere nō
est verita pro sacrosanctę huius sedis amplitudine, ac ma-
iestate, sic nihil vnquam habuit antiquius, quām vt sin-
ceram & incorruptā Christianam religionem in sua tū-
ciuitate, tum ditioe perpetuo conseruaret. Quod re-
liquum est votis precibusq; omnibus Deū Opt. Max.
rogamus & obsecramus, vt quam erga nos benignitatē
ostendit, cum te Christianę Reip. donauit, eadem illa
munus hoc proprium ac perpetuum esse velit, teq; no-
bis diutissime sospitem incolumemq; conseruet, & ti-
bi omnia lata concedat & tranquilla. Dixi.

Responsum

Responsum Pontificis .



Agnifici Oratores, Perpetua Reipublicæ vestræ pietas, probitas, fides, atque erga hanc sanctam sedem, & Romanum Pontificem obedientia, iucunda Sanctiss. D. N. semper in animo recordatione versata est . Eadem nunc omnia in hac vestra legatione, & oratione Sanctitas sua vnà cū venerabilibus fratribus suis S. R. E. Cardinalibus agnoscit, atque accipit libentissime. Laudationem vero interpetratur proficisci ab optima maximeque laudabili voluntate ea cernendi, quæ vestra Respublica sua opinione tribuit Sanctitati suæ . In quo eius voluntas cum ipsius Reipublicæ voluntate mirifice congruit, sua ipsius de se opinio discrepat, conatus certe Dei benignitate nunquam deficit, neque deerit . Ipsam vero Rempublicam Sanctitas sua semper cōmendatissimam habebit, quæquæ ad eius voluntatem, ac dignitatem pertinere intelliget, etiam non rogata libentissime faciet : si qua effugerint monita non deerit .